



Desetorica osumnjičenih će biti saslušana u Tužilaštvu BiH

## Uhapšen bivši zamjenik direktora SIPA

Marko Dominković (1962), bivši zamjenik direktora **SIPA**, koji je, kratko, 2012. godine bio i vršilac dužnosti direktora te agencije, jedan je od desetorice osumnjičenih za ratni zločin u Orašju, a koji su jučer uhapšeni po nalogu Tužilaštva BiH. Osim Dominkovića, priveden je i Tado Oršolić (1960), bivši ministar unutrašnjih poslova Posavskog kantona. Kako je javio Žurnal, Dominković i Oršolić bili su čelnici policijske stanice u Orašju, čiji su pripadnici tokom 1992. ubili najmanje sedam srpskih civila. Tado Oršolić je, naime, bio načelnik PS-a Orašje, dok je Dominković obavljao funkciju komandira te

stanice. Funkciju šefa krim-policije u toj stanici obnašao je Mato Jozić, aktualni ministar pravde u Vladi FBiH.

Prema izvorima Žurnala, i ministar Jozić je na spisku osoba koje je MUPRS-a prijavio zbog sumnje da je učestvovao u ratnim zločinima nad srpskim civilima u Orašju. On, međutim, nije uhapšen u ovoj akciji u okviru koje su, osim Dominkovića i Oršolića, privedeni Đuro Matuzović (1952), Ivo Oršolić (1952), Joso Nedić (1956), Marko Baotić (1948), Marko Blažanović (1955), Mato Živković (1964), Anto Živković (1969) i Stijepo Đurić (1965).

- Oni se terete da su kao pripadnici Hrvatskog vijeća obrane u Orašju, Vojne policije HVO-a i policijskih struktura, kao i stražara u logorima i objektima za zatočenje, počinili ratni zločin nad većim brojem žrtava srpske nacionalnosti sa područja Orašja i okolnih mjesta od aprila 1992. pa do jula 1993. godine, saopćili su iz Tužilaštva BiH te istakli da se osumnjičeni terete za zločin protiv čovječnosti.

Osim Marka Dominkovića, priveden je i Tado Oršolić, bivši ministar unutrašnjih poslova Posavskog kantona